

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U VISOKOM  
Broj: 41 0 K 099263 24 K  
Visoko, 13.02.2024. godine

## U IME FEDERACIJE BIH

Općinski sud u Visokom, sudija Ana Sotirov uz sudjelovanje zapisničara Kljajić Abebe, u krivičnom predmetu protiv optuženog M.R., zbog krivičnog djela Nasilje u porodici iz člana 222. stav 4. u vezi sa stavom 2. KZ FBiH i krivično djelo Zapuštanje i zanemarivanje djeteta ili maloljetnika iz člana 219. stav 1. KZ FBiH sve u vezi sa članom 54. KZ FBiH, rješavajući po optužnici Kantonalnog tužilaštva Zeničko-dobojskog kantona broj: T04 0 KT 0054358 23 od 22.09.2023.godine, na glavnom pretresu održanog dana 13.02.2024.godine u prisustvu Kantonalne tužiteljice Adise Kadušić i optuženog M.R., dana 13.02.2024.godine donio je i javno objavio:

## P R E S U D U

OPTUŽENI: M.R., zv. „R.“ sin M. i majke H. rođene F., rođen .... godine u V., gdje je i nastanjen u mjestu D. bb, grad V., pismen, sa završenom osnovnom školom, po zanimanju NK radnik, zaposlen, oženjen, otac jednog djeteta, lošeg imovnog stanja, vojsku nije služio, po narodnosti Bošnjak, državljanin BiH, JMB: ..., neosuđivan,

## K r i v j e

Što je:

U tačno neutvrđene dane u toku 2023. godine u porodičnoj kući u mjestu D. bb, grad V., u kojoj živi u zajedničkom kućanstvu sa oštećenim, mldb.1. sinom, vršio nasilje nad istim, svjestan da će takvim nasiljem ugroziti mir, psihičko zdravlje i tjelesnu cjelovitost oštećenog, što je i htio, na način da je oštećenog za neposluh kažnjavao tako što bi ga udarao „prutićem“ te grubo zanemario svoju funkciju zbrinjavanja i odgoja oštećenog, tako što stan u kojem boravi sa oštećenim nije održavao uslovnim za stanovanje, oštećenog ostavljao bez nadzora i nije upisao u školu, omogućio oštećenom pristup pištolju u kojem nije bilo metaka, zato što je pištolj ostavio na dostupnom mjestu u stanu, iako svjestan da tako postupajući grubo zanemaruje funkciju zbrinjavanja i odgoj djeteta, što je i htio, uslijed čega je prilikom kućne posjete službenika organa starateljstva dana 09.08.2023. godine oštećeni zatečen sam na ulici u blizini kuće, sa pištoljem u ruci, a ulaskom u kuću u dio u kojem je boravio sa oštećenim, utvrđeno da je unutrašnjost zaprljana i higijenski neuslovna za život,

dakle, da bi nasiljem ugrozio mir, tjelesnu cjelovitost i psihičko zdravlje mldb.-dijete člana svoje porodice s kojima živi u zajedničkom kućanstvu i kao roditelj grubo zanemario svoju funkciju zbrinjavanja i odgoja djeteta,

čime je počinio krivično djelo Nasilje u porodici iz člana 222. stav 4. u vezi sa stavom 2. KZ F BiH i krivično djelo Zapuštanje i zanemarivanje djeteta ili maloljetnika iz člana 219. stav 1. KZ F BiH sve u vezi sa članom 54. KZ F BiH.

Za krivično djelo Nasilje u porodici iz člana 222. stav 4. KZ F BiH, sud utvrđuje kaznu zatvora u trajanju od 1 (jedne) godine,

Za krivično djelo iz člana 219. stav 1. KZ F BiH, sud utvrđuje kaznu zatvora u trajanju od 4 (četiri) mjeseca,

Na osnovu člana 41., 42. i 62. KZ F BiH, sud izreče:

### UVJETNU OSUDU

Kojom se optuženom izriče jedinstvena kazna zatvora u trajanju od 1 (jedne) godine i 3 (tri) mjeseca i istovremeno određuje da se ista neće izvršiti ako okrivljeni u roku od 2 (dvije) godine ne počini novo krivično djelo.

Na osnovu člana 78. KZ F BiH, od optuženog M.R. se oduzima gasno oružje proizvođača EKOL model Specijal kalibra 9 mm P.A.K isti nije vatreno oružje, pištolj nije ispravan i nije čišćen nakon zadnjeg korištenja, koji se nalazi u MUP-u ZDK PU II - PS Visoko i koji će po pravosnažnosti ove presude biti uništen od strane MUP-u ZDK PU II - PS Visoko.

Na osnovu člana 202. stav 1. u vezi sa članom 199. stav 2. tačka g) ZKP F BiH, optuženi je dužan platiti sudu na ime troškova krivičnog postupka u vidu paušala iznos od 30,00 KM, sve u roku od 30 dana, po pravosnažnosti presude pod prijetnjom izvršenja.

### O b r a z l o ž e n j e

Kantonalno tužilaštvo Zeničko – dobojskog kantona, optužnicom broj: T04 0 KT 0054358 23 od 22.09.2023.godine, a koja je zaprimljena kod ovog suda dana 26.09.2023.godine, optužilo je M.R. da je počinio krivično djelo Nasilje u porodici iz člana 222. stav 4. u vezi sa stavom 2. KZ F BiH i krivično djelo Zapuštanje i zanemarivanje djeteta ili maloljetnika iz člana 219. stav 1. KZ F BiH sve u vezi sa članom 54. KZ F BiH.

Optužnica je potvrđena od strane sudije za prethodno saslušanje ovog suda dana 29.09.2023. godine i na ročištu za izjašnjenje o krivnji održanog dana 12.12.2023. godine, optuženi M.R. se izjasnio da nije je kriv za krivično djelo koje mu se stavlja na teret.

Na glavnom pretresu održanog dana 13.02.2024.godine, optuženi je promjenio svoj iskaz i izjasnio se da je kriv za krivično djelo Nasilje u porodici iz člana 222. stav 4. u vezi sa stavom 2. KZ F BiH i krivično djelo Zapuštanje i zanemarivanje djeteta ili maloljetnika iz člana 219. stav 1. KZ F BiH sve u vezi sa članom 54. KZ F BiH.

Sud je izvršio uvid u materijalne dokaze optužbe i to: zapisnik o uviđaju PS Visoko broj: 08-02-09/1-196/23 od 09.08.2023. godine, rješenje Općinskog suda u Visokom broj: 41 0 Pr 098739 23 Pr od 10.05.2023. godine, izvod iz matične knjige rođenih Općina Visoko na ime mlđb.1. od 09.08.2023. godine, izvod iz kaznene evidencije za osumnjičenog M.R. PS Visoko broj: 08-02-09/1-interno/23 od 11.08.2023. godine. Fotodokumentacija PS Visoko br. 08-02-09/1-196/23 od 09.08.2023. godine sa datumom izrade 31.10.2023. godine.

Iz činjeničnog stanja, koje je zasnovano na objektivnim dokazima, tako i na subjektivnim dokazima, posebno cijeneći izjave svjedoka L.Dž. i S.B., na koje ni optuženi nije imao primjedbu, sud je sa sigurnošću je utvrdio da je optuženi počinio krivično djelo Nasilje u porodici iz člana 222. stav 4. u vezi sa stavom 2. KZ FBiH i krivično djelo Zapuštanje i zanemarivanje djeteta ili maloljetnika iz člana 219. stav 1. KZ FBiH sve u vezi sa članom 54. KZ FBiH, u vrijeme, mjesto i na način pobliže opisan u izreci presude.

Sud zaključuje da je optuženi navedeno krivično djelo počinio sa direktnim umišljajem jer je bio svjestan svog djela i htio njegovo izvršenje, a sud je utvrdio da je optuženi prilikom izvršenja krivičnog djela bio uračunljiv jer predloženim dokazima nije dovedena sumnja mogućnost optuženog da shvati značaj svoga djela i da upravlja svojim postupcima u vrijeme izvršenja djela.

Prilikom izricanja krivičnopravne sankcije sud je, kao olakšavajuće okolnosti na strani optuženog cijenio činjenicu da je priznao izvršenje krivičnog djela koje mu se stavlja na teret, čime je doprinio utvrđivanju činjeničnog stanja i skraćanju krivičnog postupka, porodične i materijalne prilike optuženog, da je u vrijeme počinjenja krivičnog djela bio samohrani roditelj, korektno ponašanje optuženog kao i činjenicu da isti nije osuđivan, dok otežavajuće okolnosti na strani optuženog ovaj sud nije našao.

Na osnovu navedenog, Sud je odlučio da optuženom za navedena krivična djela izrekne uvjetnu osudu kojom je utvrđena jedinstvena kazna zatvora u trajanju od 1 / jedne / godine i 3 /tri/mjeseca i odredio da se ista neće izvršiti ako okrivljeni za vrijeme od 2 / dvije / godine ne počini novo krivično djelo. Sud je uvjerenja da će se sa izrečenom uvjetnom osudom postići svrha kažnjavanja i uticati da optuženi ubuduće ne čini nova krivična djela.

Na osnovu člana 78. KZ FBiH, sud je donio odluku da se od optuženog M.R. oduzme gasno oružje proizvođača EKOL model Specijal kalibra 9 mm P.A.K isti nije vatreno oružje, pištolj nije ispravan i nije čišćen nakon zadnjeg korištenja, koji se nalazi u MUP-u ZDK PU II - PS Visoko i koji će po pravosnažnosti ove presude biti uništen od strane MUP-u ZDK PU II - PS Visoko.

Na osnovu člana 202. stav 1. u vezi sa članom 199. stav 2. tačka g) ZKP FBiH, optuženi je dužan platiti sudu na ime troškova krivičnog postupka u vidu paušala iznos od 30,00 KM, sve u roku od 30 dana, po pravosnažnosti presude pod prijetnjom izvršenja.

S U D I J A  
Ana Sotirov

POUKA: Protiv ove presude dozvoljena je žalba Kantonalnom sudu u Zenici, putem ovog suda, u roku od 15 dana od prijema presude.